

Broj: 03-04-256-4/25
Sarajevo, 01.04.2025. godine

**PARLAMENT FEDERACIJE BOSNE I HERCEGOVINE
Zastupnički dom**

n/p gosp. Ivanu Miličeviću, tajniku ✓
n/p gosp. Damiru Nikšiću, zastupniku

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primijeno: 02-04-2025			
Org. jed.	Broj	Priloga	Vrijednost
05/1	-02-	82	125

Predmet: Odgovor na zastupničko pitanje

Poštovani,

Sukladno članku 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), a u svezi s člankom 116. Poslovnika Zastupničkog doma Parlamenta Federacije Bosne i Hercegovine („Službene novine Federacije BiH“, br: 69/07, 2/08, 26/20 i 13/24), u pritvku Vam dostavljam akt Federalnog ministarstva prostornog uređenja, broj: 03-02-1-132/25-2 od 19. veljače 2025. godine, koji se odnosi na zastupničko pitanje zastupnika Damira Nikšića.

S poštovanjem,



TAJNIK VLADE

dr. sci. Edita Kalajdžić

Privitak: kao u tekstu

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ФЕДЕРАЛНО МИНИСТАРСТВО ПРОСТОРНОГ УРЕЂЕЊА

BOSNIA AND HERZEGOVINA
FEDERATION OF BOSNIA AND HERZEGOVINA
MINISTRY OF SPATIAL PLANNING OF THE FEDERATION OF BOSNIA AND HERZEGOVINA

Broj: 03-02-1-132/25-^v
Sarajevo, 19. 2. 2025. godine

Vlada Federacije Bosne i Hercegovine
Tajnik Vlade
Hamdije Čemerlića 2.
Sarajevo

Predmet: Odgovor na zastupničko pitanje

BOSNA I HERCEGOVINA
FEDERACIJA BOSNE I HERCEGOVINE
V L A D A
Sarajevo

PRIMLJENO: 01.04.2025			
Organizaciona jedinica	Klasifikacija	Redni broj	Broj priloga
03-04-256-4/2025			

Vašim dopisom broj: 03-04-256-4/2025, od 12. 2. 2025. godine, ovom Federalnom ministarstvu ste na odgovor prosljedili zastupničko pitanje koje je 4. 2. 2025. godine postavio Damir Nikšić, zastupnik u Predstavničkom domu Parlamenta Federacije Bosne i Hercegovine, a koje se odnosi na mjere zaštite građevina na prostoru nacionalnog spomenika Historijski urbani krajolik Sarajevo ("Službeni glasnik BiH", broj 1/21 i 10/21), koji je proglašen nacionalnim spomenikom Bosne i Hercegovine.

PITANJE:

U svom izlaganju zastupnik Damir Nikšić osvrće se na propadanje i urušavanje određenih historijskih građevina i nacionalnih spomenika na prostoru Historijskog urbanog krajolika Sarajevo (Graditeljska cjelina Đidikovac, Zgrade u Kotromanićevoj i Kino „Apolo“), te postavlja pitanje odgovornosti u slučaju spontanih urušavanja ili eventualnih nesreća, kao i konkretnih mjera koje poduzima Vlada Federacije Bosne i Hercegovine.

ODGOVOR:

U vezi s navedenim zastupničkim pitanjem moramo prije svega pojasniti da su nadležnosti Federalnog ministarstva prostornog uređenja, propisane isključivo odredbama Zakona o prostornom planiranju i korištenju zemljišta na nivou Federacije BiH («Službene novine Federacije BiH» br. 2/06, 72/07, 32/08, 4/10, 13/10 i 16/10), te odredbama Zakona o provedbi odluka Komisije za zaštitu nacionalnih spomenika uspostavljene prema Aneksu 8. Općeg okvirnog sporazuma za mir u Bosni i Hercegovini ("Službene novine Federacije BiH", br. 2/02, 27/02, 6/04 i 51/07).

Prema odredbi člana 5. Zakona o provedbi odluka Komisije za zaštitu nacionalnih spomenika uspostavljene prema Aneksu 8. Općeg okvirnog sporazuma za mir u BiH, u nadležnosti Federalnog ministarstva prostornog uređenja je izdavanje odobrenja za zaštitu, konzervaciju, prezentaciju i rehabilitaciju nacionalnih spomenika.

Članom 3. Zakona o provedbi odluka Komisije za zaštitu nacionalnih spomenika uspostavljene prema Aneksu 8. Općeg okvirnog sporazuma za mir u Bosni i Hercegovini ("Službene novine Federacije BiH", br. 2/02, 27/02 i 51/07), utvrđeno je da nacionalni spomenici uživaju najviši stepen pravne zaštite utvrđene posebnim zakonima u Federaciji Bosne i Hercegovine, a članom 10. navedeno je da je Federacija dužna osigurati pravne naučne, tehničke, administrativne i finansijske mjere za zaštitu, konzervaciju, prezentaciju i rehabilitaciju nacionalnih spomenika.

Što se tiče obaveza Federacije Bosne i Hercegovine u pogledu osiguranja mjera zaštite nacionalnih spomenika, smatramo potrebnim napomenuti da »entitet« iz Aneksa 8 Općeg okvirnog sporazuma za mir u Bosni i Hercegovini, odnosno Federaciju Bosne i Hercegovine, kao političko-teritorijalnu jedinicu, čini zbir svih nivoa vlasti, a ne samo federalnih organa uprave, odnosno čine je i kantonalni organi uprave, kao i gradske i općinske službe, te je svaki nivo vlasti u Federaciji BiH, i to svako u okviru svoje nadležnosti, dužan voditi brigu i osigurati mjere zaštite i očuvanja kulturnih dobara.

Ova obaveza prizilazi neposredno iz člana 4. tačka 5, Aneksa 8 Općeg okvirnog sporazuma za mir u Bosni i Hercegovini (Dejtonski sporazum), koji propisuje sljedeće:

„U svakom slučaju, u kojem Komisija izda odluku o određivanju imovine kao nacionalnog spomenika, entitet na čijoj teritoriji se nalazi imovina: a) nastojaće što je moguće više, da poduzme odgovarajuće mjere potrebne radi zaštite, konzervacije, prezentacije i sanacije imovine i b) uzdržat će se od bilo kakvih namjernih mjera koje bi mogle oštetiti imovinu.“

Također, u skladu s članom 5. Aneksa 8 Općeg okvirnog sporazuma za mir u Bosni i Hercegovini (Dejtonski sporazum), u svakom pojedinom slučaju za koji Komisija donese odluku o proglašenju dobra nacionalnim spomenikom, sve strane su se dužne suzdržati od poduzimanja bilo kakvih namjernih mjera kojima bi se dobru nanijela šteta.

Nadalje, odredbama člana 14. Uredbe o tehničkim svojstvima koje građevine moraju zadovoljavati u pogledu sigurnosti te načina korištenja i održavanja građevina („Službene novine Federacije BiH“, br. 29/07, 51/08 i 99/14), utvrđeno je - da je vlasnik građevine, odnosno korisnik dužan osigurati održavanje građevine tako da se u toku njezinog trajanja, očuvaju tehnička svojstva koje građevine moraju zadovoljiti u pogledu sigurnosti, unapređivanje i ispunjavanje bitnih zahtjeva za građevinu, te ju je dužan održavati tako da se ne narušavaju spomenička svojstva građevine, odnosno dobara koje je Komisija proglasila nacionalnim spomenikom.

Vlasnik građevine, odnosno korisnik dužan je održavati građevinu na način da se njenim održavanjem osigurava upotrebljivost i ispravnost građevine, uređaja i opreme, upotrebljivost građevine kao cjeline i sigurnost njenog korištenja.

Članom 15. iste Uredbe propisano je da je, u slučaju oštećenja građevine zbog kojih postoji opasnost po život i zdravlje ljudi, okolicu, prirodu, druge građevine i stvari ili stabilnost tla na okolnom zemljištu (požari, poplave, intervencije na elektroinstalacijama i sl.), vlasnik građevine, odnosno korisnik dužan preduzeti hitne mjere za otklanjanje opasnosti i označiti građevinu opasnom do otklanjanja takvog oštećenja.

Osim gore navedenog, napominjemo da Federalno ministarstvo prostornog uređenja svake godine izdvaja značajna sredstva za sanaciju i rehabilitaciju nacionalnih spomenika Bosne i Hercegovine kroz implementaciju Programa obnove i zaštite nacionalnih spomenika „Kapitalni transferi drugim nivoima vlasti i fondovima - učešće Vlade Federacije BiH u sufinansiranju kantonalnih i lokalnih zajednica - zaštita nacionalnih spomenika“.

S poštovanjem,

Dostaviti:

○ Naslovu,
○ Arhivi

